



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

Cl. Indulgentiæ Perp. Confraternitatibus Septem Dolorum B.M.V.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

nione reſectis, qui aliquam ex Eccleſiis quorumcumque Monafteriorum dictæ Congregationis Cæleſtinorum, tam hæcenus erectis, quam in poſterum quodocumque erigendis, ac ubicumque locorum exiſtentibus, die Feſto S. Petri Cæleſtini ejuſdem Congregationis Fundatoris, a primis Veſperis uſque ad occaſum ſolis diei huiusmodi, ſingulis annis devote viſitaverint, & ibi, pro Chriſtianorum Principum concordia, hæreſum extirpatione, ac S. Matris Eccleſiæ exaltatione, pijs ad Deum preces effuderint; plenariam omnium peccatorum ſuorum Indulgentiam, & remiſſionem miſericorditer in Domino concedimus. Præſentibus perpetuis futuris temporibus valituris.

Claufula.

§. 2. Volumus autem, ut earundem præſentium literarum tranſumptis, ſeu exemplis etiam impreſſis manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtitutæ munitis, eadem prorfus fides ubique locorum habeatur, quæ haberetur iſiſ præſentibus, ſi forent exhibitæ, vel oſtenſæ.

Datum Romæ apud S. Mariam Majorem ſub Annulo Piſc. die XXX. Aug. MDCLXXXI. Pontificatus noſtri Anno Quinto.

CI.

Conceduntur quædam Indulgentiæ Perpetuæ Confraternitatibus Septem Dolorum B. M. V. in Eccleſiis Fratrum Servorum ejuſdem B. M. V. erectis.

Conceſſa ſuit Indulgentia Plenaria Confraternitatibus Habitibus Servorum B. M. V. ab hoc Pontifice Conſt. ed. 1678., Janu. 30., Pont. 1. Et Conſt. ed. 1683., Octobris 24., Pont. 8. confirmatum ſuit Summarium Indulgentiarum Confrater. Septem Dolorum.

Dat. 1. Sept. 1681. An. 5.

INNOCENTIUS PAPA XI.

Ad perpetuam rei memoriam.

Exordium.

Commiffæ Nobis a Domino diſpenſationis ratio exigit, ut cæleſtium munerum theſauros prudenti, fidelique liberalitate erogemus, cum id ad augendam fidelium Religionem, & animarum ſalutem ſperamus in Domino profuturum.

Preces Prioris, & Procuratoris Generalis.

§. 1. Supplicationibus itaque dilectorum filiorum Prioris Generalis, & Procuratoris Generalis Ordinis Fratrum Servorum Mariæ Virginis nomine Nobis ſuper hoc humiliter porreçtis inclinati, omnibus, & ſingulis Confratribus, & Conſororibus Confraternitatum ſub titulo Septem Dolorum ejuſdem Beatæ Mariæ Virginis, tam hæcenus in Eccleſiis dicti Ordinis erectarum, quam deinceps quodocumque erigendarum, vere pœnitentibus, & confeſſis, ac ſacra Communione reſectis, qui ſuæ reſpective Confraternitatis Eccleſiam, ſeu Capellam, vel Oratorium Dominica Paſſionis a primis Veſperis uſque ad occaſum ſolis ejuſdem Dominicæ annis ſingulis devote viſitaverint, ibique pijs conſiderationes ſeptem Dolorum Beatiffimæ Virginis, & præcipue Paſſionis Domini Noſtri Jeſu Chriſti fecerint, ac pro Chriſtianorum Principum concordia, Hæreſum extirpatione, ac Sanctæ Matris Eccleſiæ exaltatione pijs ad Deum preces effuderint, Plenariam omnium peccatorum ſuorum Indulgentiam, & remiſſionem miſericorditer concedimus.

Indulgentia Plenaria die Dominica Paſſionis.

Indulgentia 100. dierum per annum.

§. 2. Eiſdem vero Confratribus, & Conſororibus per annum exercentibus ſe huiusmodi conſiderationibus, ac meditationibus, ac precibus præfertim, Oratione Dominica, & Salutatione Angelica cum Cantico, *Stabat Mater doloroſa* &c. in Eccleſiis prædictis recitari, aliſque ſpiritualibus exercitijs ibidem fieri ſolitjs, ac ut

præfertur, orantibus, quoties id egerint, toties centum dies de injunctis eis, aut alias quomodolibet per eos debitis pœnitentijs in forma Eccleſiæ conſueta relaxamus.

Indulgentia Stationum.

§. 3. Præterea Confratribus, & Conſororibus prædictis Eccleſiam, ſeu Capellam, vel Oratorium ſuæ reſpective Confraternitatis diebus Stationum Almæ Urbis noſtræ in Romano Miſſali deſcriptis devote pariter viſitantibus, & orantibus, ut ſupra, quod omnes, & ſingulas Indulgentias, & peccatorum remiſſiones, ac pœnitentiary relaxationes conſequantur, quas conſequerentur ſi Eccleſias, tam intra, quam extra eandem Urbem poſitas ad id deſtinatas diebus Stationum huiusmodi perſonaliter, & devote viſitaſſent.

Facultas eas applicandi per modum ſuffragij.

§. 4. Utque iidem Confratres, & Conſorores tam prædictas, quam alias quacumque Indulgentias, & peccatorum remiſſiones, & pœnitentiary relaxationes dictis Confraternitatibus a Romanis Pontificibus Prædeceſſoribus noſtris, ac etiam forſan a Nobis quomodolibet conceſſas Fidelium Defunctorum Animabus, quæ Deo in charitate conjunctæ ab hac luce migraverint, per modum ſuffragij applicare poſſint, concedimus ſimiliter, & indulgemus. Præſentibus perpetuis futuris temporibus valituris.

Claufula.

§. 5. Non obſtante noſtra, de non concedendis Indulgentijs ad inſtar, aliſque Conſtitutionibus, & Ordinationibus Apoſtolicis, cæteriſque contrariis quibuſcumque.

§. 6. Volumus autem, ut earundem præſentium literarum tranſumptis, ſeu exemplis, etiam impreſſis manu alicujus Notarii publici ſubſcriptis, & ſigillo perſonæ in Eccleſiaſtica Dignitate conſtitutæ munitis, eadem prorfus fides ubique locorum habeatur, quæ iſiſ præſentibus haberetur, ſi forent exhibitæ, vel oſtenſæ.

Datum Romæ apud Sanctam Mariam Majorem ſub Annulo Piſcatoris die I. Septembris MDCLXXXI., Pontificatus noſtri Anno Quinto.

Confirmatur Decretum particularis Congregationis, quo declaratum fuit, Congregationem Brigittanorum Noviffimorum eſſe veram Religionem, diverſam ab ea SS. Salvatoris, ſeu S. Brigittæ.

CII.

INNOCENTIUS PAPA XI.

Ad futuram rei memoriam.

Dat. 24. Oct. 1681. An. 5.

Manavit nuper a Congregatione nonnullorum ex Venerabilibus Fratribus noſtris S. R. E. Cardinalibus ſuper negotio Fratrum Brigittanorum Noviffimorum ſpecialiter deputata Decretum tenoris, qui ſequitur, videlicet: Congregatio particularis nonnullorum Eminentiſſimorum, & Reverendiſſimorum S. R. E. Cardinalium ſuper negotio Brigittanorum Noviffimorum ſpecialiter deputata ex noviter deductis, & ſpecialiter viſis, & mature conſideratis Conſtitutionibus Summorum Pontificum, cenſuit recedendum eſſe a Decreto alias die 5. Maji 1677. emanato, ac propterea declaravit Congregationem Brigittanorum Noviffimorum eſſe veram Religionem ſub Regula Sancti Auguſtini a Sancta Sede Apoſtolica in Congregationem erectam, diverſam tamen a Religione Sanctiſſimi Salvatoris, ſeu Sanctæ Brigittæ ab Urbano VI., Martino V., Eugenio IV. erectam, & reſpective approbatam, & dictæ Religionis Noviffimorum profeſſos utriuſque ſexus eſſe, & reputari veros Religioſos, Romæ 2. Julii 1681. - G. Cardinalis Carpineus Archiepiſcopus San. Secr.

Decretum prædictæ Congregationis.

§. 1. Cum autem ſicut dilectus filius Guiſ-

Preces Prioris Generalis.